

靜

厓

詩

初

稿

靜佳詩初稿卷十

鎮洋 汪學金 敬箴

古今體七十二首

起壬寅盡癸卯
六月官翰林作

立春日過蠡濤寓留飲出示 西苑早春詩二首

次韻和之

蓬萊雙闕鳳城西
詠蕩

天門唱曉雞

苑柳遙迎

宮仗發爐煙輕駐殿雲低
條風得氣開冰凌殘雪留痕

印馬蹄此日侍臣知

有喜綠綈傳

詔捧芝泥

半晌吟情靜裏功短櫬疎牖粉坊東酒香濃與風光近
花氣溫宜火力烘吹律定回鄒谷黍賞音爭託蔡家桐
尊前製就陽春曲明日新聲遍郢中

原詩有送歌
郎之楚云云

謝蠡濤惠木瓜

宣州花木瓜厥品登貢匭故人遠致之置我懷袖裏氤
氲花氣薰淡宕爐煙起乃知鼻觀清差勝舌根美達人

歎繫匏志士惜化枳願言永好情庶託風人旨

元夕雪後示沈雲梧王石亭

忽訝春寒減燈輪隔巷譁留將三尺雪添作一庭花舊
事天涯月新年客裏家盆梅消息好鄉信未曾賒

正月十六夜見月

積雪覆簷瓦餘寒尚殢人誰知今夜月忽放滿城春燈
館調箏柱花樓泛酒鱗紫騮行處好不動六街塵

題李松雲館師蓬萊仙奕圖

春風吹夢到蓬萊昨夜桃花帶笑開絳節遥呼雙鶴下

錦袍穩踏六鼇來拍肩
世外曾相識傳語人間莫漫猜
更欲憑虛凌絕頂東溟浮綠水如杯

萬里迴風動紫瀾玉碁聲落碧霄寒
從頭甲子雙丸駐
過眼雲煙一劫看
巖畔幾人還叱鹿
天邊有客獨乘鸞
到來局外休相訝
欲覓仙山對手難

圖中對局者仙裝二人先生方度橋

而至

曾從天上聽笙璫頃刻三山壓海濤
花下霓裳傳玉禮
殿頭雲錦洒珠毫
爭看紫府丰神別
始信瀛洲地望高
私幸東華新注籍也教接席羨佺曹

紀仲春二日

賜宴事

洞門瑤草不知春
清簟疎簾寄靜因
一度落花千片雨
幾重流水六銖塵
揭來煙島虛無路
著得冰綃夢幻身
我向丹臺親受訣
圖中許寫爛柯人

和馮玉圃考功清明日作

玉壺催我典春裘
但聽黃鸝到處留
紅杏簫聲三匝市
綠楊人影一層樓
誰家賜火傳宮燭
有客籠鞭出御溝
忽憶江南煙雨路
落花萬片壓溪流

桃花和玉圃韻

似明還暗最難分
陌上牆頭暖漸薰
流水一春仙夢醒

青房言不刊 卷一 三
好風十里酒顏醺
秋千庭院煙絲軟
卷畫樓臺雨脚紛
莫便吹將作泥土
且留紅影上簾紋

題韋約軒宮庶秋林講易圖

圖為視學
濟南時寫

絳帳談經歷
下城青袍聽講
魯諸生先生日日南樓坐
一片湖光徹底清

黃葉林中露夕龕
鵲華秋色照澄潭
十年宦興難消處

不在黔南在濟南

先生嘗巡撫黔省

世上紛紛說九師
從來講易費言詞
欲求靜裏天心妙
只在秋林落葉時

七畧編成隻字搜朝朝退直殿西頭到家萬事都拋却

半夜秋燈聽雨樓

寓樓名

上巳同錢湘舲陳湘南蔣瑗亭城南修禊之作

西山撲面潑晴嵐新綠郊原信步探杜曲人家天尺五
永和風物月重三閒來未減壺觴興醉後能為桑苧談
洗却軟紅舊塵土桃花流水夢江南

卽席集蘭亭字

觴詠亦云樂相將春禊修昔賢期後會異地得同遊林
抱風清激亭虛水倦流崇蘭當有寄一曲暮山幽

懷曹
儼笙

蔣瑗亭招飲陶然亭潘巽山先得詩二首以陶然
為韻遂次和之

蔣生招我踏平臯愛聽村翁酒滴槽客到忘形纔是熟
官能無事便為高林花落後爭粘屐陌草濃時欲染袍
不待習池山簡醉撩人春色已陶陶

酒社茶樓穀雨天踏青歸路夕陽邊江南煙月空千里
京國風花又十年舊事幾番能憶否清尊到處且頽然
知君亦有還家夢春草春波漢水船

王杜胥明府招飲復至陶然亭疊前韻作卽送之

官山左

青芒到遠舉夕陽滿徑水平槽蘆芽出土剛剛見
柳絲隨風漸漸高狂態未除花插帽醉痕猶記酒翻袍
治春時節天涯客賴有招邀散鬱陶

彈指分攜悵各天思君遙隔岱雲邊偶從舊雨逢今雨
余因湘舸獲交杜胥定許他年憶往年上巳壺觴纔過了南池花
月尚依然渭城一曲憑誰唱樹杪春帆潞水船

法源寺看花作

鐘聲出花林蜂衙鬧晴午禪心息衆喧趺坐一僧古

靜佳詩初稿

卷十

五

松鎮山門蒼虬勢翔舞風吹紫瓔珞散作曼陀雨空色
如是觀為花懺綺語藉彼常住緣皈依佛前土不見金
谷園花開易新主

同錢湘舲陳湘南潘巽山蔣瓊亭曾賓谷遊釣魚
臺

年來廢春遊山泥澀屐齒昨朝偶乘興步履不可止盡
簪五六人出郭二三里新禽繞樹飛閒關殊自喜暖翠
蒸浮嵐遠落澄湖裏湖天一蕩漾霞日照魚尾灩澦上
千頭隨波弄芳芷置身濠濮閒頓悟蒙莊旨非魚豈知

魚小住為佳耳山桃却笑人花謝始來此

臺旁山桃最盛

復同諸公至法源寺看花

獨遊得花神羣遊盡花態人影忽參差花光各向背
暖日氣薰蒸彌滿香界內獨惜春風顛牆脚飄紅碎
昨來半開枝今朝顏色退安得法雨吹新萋迭相代
多謝冶遊郎翩翩日成隊聽說夢泡因觀空了無礙

曾賓谷招飲寓齋卽席有作

流光不駐落花前社酒香時換俸錢暖旭四鄰山杏醉
春風一國海棠顛今宵明月當頭好昨日新詩脫手傳

準待續開婪尾宴玉堂韻事幾人偏

蓮士見示扈從盤山用陸放翁韻詩卽次原韻奉

簡

春風放顛花事殘綠陰滿庭春晝閒午時睡醒鬢絲亂
閉門枯坐如深山故人扈從薊門返呼童掃徑開柴關
三日不見生鄙吝面惟恐遭譏訕袖中一卷瑩冰雪
泠然四座開心顏青山落日響鐘磬一鳥嚦嚦啼花閒
萬松入雲亂蒼翠千澗咽石歎淙潺樊籠塌翅不飛去
境地毋乃分仙頑夜來有夢到盤谷朝真許綴蓬萊班

溪門遍地種瑤草仙人放鹿何時還

雨梧書屋紫藤盛開感而有作

于文襄公故居

牆頭吹亂紫綃痕和雨和煙直到門
舊宅不知誰是主
繁花豈料至今存
春風絲管迎珠履
夜月池臺對玉樽
重向碧梧窓外立
燕泥狼籍最銷魂

雨窓戲東蠡濤索近作

虛堂輕雷過曉枕坐覺炎歊變淒凜
須臾簷溜作飛瀑
三尺風漪吹淅淅西家詩老笑且舞
搖筆百篇廢朝飣
竹窓無暑几硯涼一片槐雲墨流瀋
願避三舍敢屬壘

乞讀千迴當敘枉憶昨春泥初醺醅東風滿欄花簇錦
期君下直走馬看君許新詩好題品詰朝火急乘傳去
馬首欲東未遑諗固知嘉會易蹉跎遂使芳時竟蕩在
前言息壤君勿忘一詩可博十千飲

和竹井相公直廬夜雨

竹檻吹寒瀑松軒捲急濤雲霓天下望霖雨相公勞晚
直催宮漏秋聲豁市囂新篇傳萬口餘事鬪詩豪

滄雲戶曹席上送樞直諸公之木蘭和玉圃考功

韻

折柳初聞出塞歌急裝小隊渡灤河風竿夜動呼蒼隼

雪帳晨移送紫駝邊塞新詩公等健關山換調爾曹多

座中有吳伶度曲

十年豪興消除盡

僕官內閣時三之熱河

班馬喧槽奈

客何

文章吏部冠時儔

清禁聯鑣數舊遊鏡吹譜成洮隴記

時留京纂輯蘭州紀畧

柳枝

傳付薊門謳

燕臺柳枝詞盛傳都下

持螯時節還家夢射虎圍場

出塞秋莫遣黃花愁寂寞比鄰容易得君留

和吳少甫庭竹生筍之作

青居言不系 卷一
儘看春雨千頭出幾見秋風一籜生空谷佳人原絕世
天寒翠袖不勝情

龍角森森鳳尾纖月輪斜照夜涼添窓前好待新陰長
莫剪凌雲一寸尖

題香亭先生古藤詩思圖

辛丑冬日香亭先生屬題引藤書屋圖茲復觀
是卷遍讀前輩名作再題三絕句亦詠歎不足
之義也

濟南壇坫久榛墟賸有殘花罨舊廬不是詞人重尊宿

更誰題咏老尚書

官齋猶見匏庵種書屋曾傳竹垞栽底事世間閒草木
偏於風雅結緣來

後視今猶今視昔美斯愛更愛斯傳畫圖留取春風影
重記巢痕又往年

時已移寓橫街即所謂引藤書屋也

秋日遊崇效寺和壁間曹劍亭先生韻

海棠開放城南寺曾記春風步履遊拋擲年光輸老衲

追尋畫卷惜名流

寺中藏拙公和尚紅杏青松圖卷國初諸老題咏甚夥

佛留古

偈醒閒夢客與寒花耐素秋齋磬一聲疏食飽夕陽人

影散林邱

蓮士隨 園木蘭獲鹿以獻蒙

恩賜詩褒美恭和

御製元韻奉贈

掩羣匪侈大庖充服猛還看禁旅攻

聖主恩教三面祝書生氣作萬夫雄詩因催和揮毫速
味許分嘗八俎融授簡長楊徒奏賦君才罕見古人同

和曾賓谷九日崇效寺登高之作

君說城南路秋雲碧幾層偶尋黃葉寺不見白頭僧老

圃花扶屐陰廊鼠瞰燈午時鐘未打煨芋向來曾

共有登高句還將令節酬風煙傷遠思草樹變深秋入

座清尊泛開軒素月流茱萸應醉把此夕憶儂不

是日同集

賓谷齋中
余偶未與

九月晦日錢湘舲潘巽山蔣瑗亭劉沈齋盧小雅

曾賓谷集敝齋看菊得牌字

乞得僧房菊種佳短櫳曲牖稱安排能存晚節交方久
自惜寒香性寡諧瘦影因依宜紙幃芳名點勘惱牙牌
故園顏色霜風裏一度看花一繫懷

再用湘舲韻

酒醖茶鐺次第排
退朝便到種花齋
色香味孰兼斯妙
形影神須與爾儕
傲態轉從秋老見
澹情彌向夜深佳
知君未減樊川興
醉裏題詩已滿牌

再用賓谷韻

蒼然暮色小庭佳人與寒花各有懷
今夕亟需元亮酒
吾曹未苦太常齋

是日齋期定制
五品官始與

莫教鏡裏朱顏換漫

對燈前素影
篴聞道秋來詩興好
寺僧爭乞水松牌

賓谷

近有游崇
效寺詩

再用沈齋韻二首

一窓斜照綠莎齋寂歷黃花對客懷淨相曾參金粟影
豔情肯鬪牡丹牌十分寒瘦詩篇似半晌清閒夢境偕
來歲霜顏依舊好瓦盆珍惜到枯荄

霓裳天上接肩排指點蓬山篆玉牌去燕來鴻誰是主
有花無月亦為佳貪看瘦影添燒燭怕說樽空泥拔釵
隔巷柝聲催底急送君扶醉踏霜街

巽山詩久而未至仍用牌字韻促之

靜中一葉暗投階萬事無如閉戶佳處士霜葩邀酒盞

美人雲錦鬪花牌
九秋風物催商節
三楚煙波託遠懷
寄語閒居潘騎省
可無好句到寒齋

香亭先生席上題錢文敏著色花卉

金壺一潑燕支鮮
細枝碧葉搖春煙
洛陽道上錦幕連
東風三月太放顛
海棠嬌紅姹女顏
衆中倩笑絕可憐
蜀山青青叫杜鵑
壓梢夜雨千頭眠
其餘衆卉皆嫣然
一顰半顰春娟娟
瑶池宴罷銖衣仙
天香十里隨雲新
玉娥作隊行差肩
風前吹墮黃金鈿
尚書妙繪奈山鈿
意態一一拈豪傳
海內聲價三十年
生綃認取鴻爪緣

入門屏幃參畫禪眼明四座銀燈懸題詩醉卧藤陰邊
夢中花月江南天

硯凹和韻

紫雲割取久摩挲窪處潛通乳竇波獨抱虛心隨量受
自存堅節儘情磨浮漚劫悟三災後穿雷功深一勺多
不是他山借攻錯那從學海驗盈科

退筆和韻

秃不中書齒漸高縱橫慚鬬陣圖豪青雲無分陪嚴樂
白首何心戀鄭毛豈有千金求散帚竟難一割用鉛刀

空花到老終須謝夢裏江郎枉自勞

曾記中山族望高文章遊戲服韓豪囊錐事業爭頭角
冠珥年華歎鬢毛弱末原無穿縞弩及鋒誰比發硎刀
叢編賸有丹黃跡知爾從前點勘勞

也道功成退便高一揮意氣未除豪草元將老猶濡首
學墨者流徒拔毛光滅終憐疲照鏡銍收始貴善藏刀
楮生石友休相問已謝交游且息勞

翠峽犀桺積塵高袖手寒窓興不豪筆塚曾聞封馬鬣
墨池已見褪鵞毛飛騰歲月虛磨盾辛苦生涯累捉刀

博得管城湯沐在十年心力敢辭勞

和松雲館師移居詩兼呈平寬甫學士

同社齊名二十年春風求友賦鶯遷詩人本住蘭亭里
學士新移杜曲天覓句偶逢梅樹下開醅相喚杏花前
從今得遂比鄰約舊雨因緣豈偶然

世事紛紛春夢繁浮生逆旅底須論也知萍水蹤難定
曾託苔岑跡尚存辛苦燕謀勤補壘蕭疎鶴性懶乘軒
壺中些子容身地已息機心學灌園

卜居遠市便為佳家具無多次第排愛客別教開蔣徑

評書端合署蕭齋追尋往事心情減雜和詩篇笑語諧
博得新聞傳日下同年同里住同街

蓬山地望九霄鄰下筆文章信有神京洛心知如此少
江鄉情話與誰親風花過眼原成幻雪爪留痕未許湮
倘許侯芭來問字便成不速客三人

壽廣平司馬盧省軒年伯七十

巍巍泰岱瞻東國德水彎環瀉春碧遺蹟難尋董子臺
譚經猶問盧家宅盧家世業炳青箱都轉當年獨擅場
問字生徒環馬帳賜書門第富曹倉憶昔廣陵盛騷雅

海內詩壇誰健者王前

漁洋尚書

盧後倡宗風山左文章重

天下先生超庭及此時鳳毛麟角爭雄奇參差歌扇前
溪曲宛轉旗亭畫壁詞筵羽騫騰便千仞蘭省仙郎望
清峻久傳題桂冠諸曹遂許鳴騶跨連郡三楚官聲比
水清兒童竹馬喜相迎閒來醉筆題詩處黃鶴樓頭片
月明榆關白草秋蕭瑟例使詩人作遷客

思深天地轉陽和半刺寧殊二千石先生擬賦歸去來
故園未必荒蒼苔難華山色不用買對此即可傾千盃
諸郎競爽聯村萼第五之名推館閣蓬萊深處聽雲璈

傳書應附南飛鶴

三月十六日崇效寺看花彝濤用坡公遊鶴林招

隱詩韻見示次韻答之

林際招提點夕光
片雲飛逗雨絲涼
齋鐘粥鼓響逾寂
木葉山花吹自香
大地萍蓬隨處寄
一春蜂蝶為誰忙

影堂半偈參尊宿
持印青溪亂石岡

崇效寺為拙公和尚退院

參差人影與花光
半晌茶煙一榻涼
人自無心成小住
花如有悟發真香
翻嫌姓氏僧猶問
始歎風塵夢亦忙
野色蒼然歸路晚
坐看明月起前岡

十七日同伯恭石士蓮士遍遊城南諸寺晤西峯上人疊前韻

暖日輕煙晃曙光連塍麥氣助朝涼塔鈴滿院鳥聲碎
齋磬一林山翠香學佛本非從佛度看花却又為花忙
藥爐經卷生涯在便擬詩人華子岡

時石士方修
淨業故及之

金粟林中覓慧光誰知心地本清涼門前芳草舊年綠
澗底殘花前日香我輩自憐行脚苦老僧也為住持忙
開堂試說三乘法進步當求萬仞岡

廿六日復至崇效寺海棠已謝適蠡濤亦巖亦至

仍疊前韻

苔草穆髣石髮光春雲閣雨作去陰涼勾留似有三生
業狼籍曾無十日香樓外夕陽催客老座中古佛笑人
忙憑誰暫滌風塵面遙指西山是左岡

一笑流連惜景光袷衣風細晚松涼試尋詩味貪澆茗
為懺凡心小炷香薄宦搏沙成聚散浮生過隙任閒忙
江南記憶尋僧路水滿平隄竹滿岡

夜雨滴空階用唐人喻鳧韻

虛堂不受暑暮雨灑風槐驟響斜飄瓦繁聲直到階江

樓雲氣入山徑月輪埋暗悄聞蛩壁涼喧聽瀑齋擁衾
殘夢斷剪燭一僧偕何似西園夜高吟寫勝懷

蝸牛和塞曉亭閣學韻

些子天然託渺軀江蚶海蚌漫專車盤成螺甲三分髻
學就蚪文一筆書未信雕蟲頭角壯劇憐抱犢歲時虛
水鄉莎草陰濃處煙雨牛宮記舊廬

都門銷夏四咏同曹雪園王翠塘作

涼棚

隨時舒卷本無心當晝渾忘赤日臨底為養花添幕密

不須種竹助堂深
驟喧午夢孤篷雨
小借秋光老樹陰
曾記豆棚貪露坐
水天閒話指橫參

冷布

素絲藍縷總稀疏
坐對房櫳意豁如
四角好裁藤紙護
一層不碍畫屏虛
翻疑火浣銷炎後
乍訝冰綃透彩餘
傍晚底須支北牖
螢光容易映囊書

響竹

三尺琅玕徑寸圍
碎瓊清響辨依稀
寧緣待鳳吹簫引
却為驅蠅當麈揮
拂座徐添風漸瀝
隔簾遙聽雨霏微

虛堂午睡曹騰處半雜松濤繞枕飛

冰盤

却炎最耐水晶盤晤對虛明結古歡月鑑細搖瓊采曙
風漪驟偏簟紋寒但將心跡存微尚敢信頭銜稱一官
未許午飈吹漸薄玉壺貯取幾回看

咏四時新月和王翠塘韻

楊柳梢頭近挂簷東風池館露纖纖三更薄霧梨花院
二月輕陰燕子簾與我目成波淺睽學渠眉樣黛初拈
姮娥貪展團圓影只恐春愁逐夜添

二尺新涼近短簷
鬢絲徐掠翠眉纖
煙光漸破江樓笛
樹色微明水舫簾
杯勸同心鉤暗賭
粧窺半面扇慵拈
多情留伴黃昏後
曲檻荷風幾處添

秋光一片入重簷
霧影全收露影纖
寶鏡半開雲母匣
瑤臺斜界水精簾
機中錦字含情照
鍼孔冰絲乞巧拈
隔院誰家聞小語
碧梧窓畔夜香添

稜稜霜采晃冰簷
逗出空林一寸纖
瘦魄因風欺短燭
清輝帶雪透深簾
刀環遲暮難成約
梅影高寒未許拈
不待烏啼落何處
牀頭暗漏徹宵添

靜厓詩初稿卷十

靜厓詩初稿卷十

十

靜厓詩初稿卷十一

鎮洋 汪學金 敬箴

古今體三十四首

起甲辰盡乙巳里中作

至吳門訪錢湘舲適蘭陵盛孟巖粵山昆仲在座

兼寄曹儂笙

執手燈前感且唏
燕臺綈紵舊因依
雪鴻轉眼浮蹤換
風木傷心往事非
歲月馳驅空席帽
江湖涕淚滿麻衣
羨君獨得鵲原助
同逐雲霄到處飛

雪花簾閣釀春寒
巷柝聲喧語未闌
天末幾人憂患共

江干一水合并難劇憐身世輸蝸舍時湘船賃屋以居頗悔功名負鰲竿曹植工愁兼善病儼笙以內艱隨侍尊甫年伯京邸欲憑書札勸加餐

題曹武仲雲岫圖

朝來辨雲氣一碧千萬重窈窕沖融閒往往露竒峰畫圖得此意崖谷增丰茸貌山先貌雲雲者山之容畫山不厭澹畫雲不厭濃濃澹兩得之妙態傳其中與君論詩格此意將毋同

輓周小泉先生

風義持名教儀型謝老成清操留宦跡直道重鄉評出
處公無愧親朋哭失聲山中猿鶴伴總帳曉來驚

讀書兼讀律儒者豈迂疎斷獄資經術親民絕吏胥才
方展驥足興已託鱸魚晚節師元亮衡門常晏如

在日貪為善斯人古所難寧知趙囊涇常念范袍寒此
意忘施報羣情繫戚懽天涯聞噩耗幾輩痛摧肝

京洛過從久壺觴一昔緣同歸潞河棹高卧對湖田往
事論前輩平生重此賢鄙詞曾介壽製誄益潸然

題外祖意鈞圖小照

非魚知魚樂不釣得釣趣愚者以迹求達人乃神遇公
本忘機人愛向滄浪住一竿占煙波朝來暮還去淙淙
百尺湍上有古松樹置身濠濮閒何思亦何慮

澄淵無貪餌安流無駭鱗人生出處閒所貴存我真揚
帆萬里外收竿五湖濱湖水清且漣滌我鬚眉塵黃金
敲作鉤青絲曳為綸滄溟游汗漫連鰲負輪囷所願豈
不廣風濤難具論

大化隨盈虛物外全其天漆園得妙悟乃著養生篇意
或為境累便成罣礙緣我意本非意豈為物所牽東江

逢老漁相對亦欣然問我何所為欲答竟忘言意言兩
寂滅祿此大椿年

吳道子地獄變相圖歌

吳生筆法古今絕畫聖獨擅唐開元天龍梵釋盡神妙
變化一一通根源斯圖冥搜九幽界盲風怪雨陰霾昏
大千潑墨一無有地軸忽坼酆都門安排狴犴七十二
阿鼻鬲子難具論羅刹睚眦藥叉舞頃刻肝腦爭屠吞
中有王者垂旒尊鐵面據案慘不溫案旁昂首吏主文
前愆後債抱牘陳無明燒空劫火焚四生六道風旋輪

新鬼煩冤舊鬼哭滴酒不到冬青墳我聞地獄以意造
不離癡愛貪瞋因玩弄神智妄造妄塵結聚都成真
眼光一墮牛馬窟業緣恐作鳩魔身或言吳生非好事
度生憫世心良殷斯圖一出大怖畏駟僧聚泣長安闥
普將罪福作勸導坐使風俗還清淳是時世局何紛紜
安知寓意非格君卽看金紫雜桎梏復見珠玉飛煙塵
大抵姦諛受誅殛不亦妖穢罹沈淪或為楊李或號秦
按圖以索母乃倫廣寒仙人正度曲泰山錄事先勾魂
嗚呼馬嵬血浣草不春玉顏悽咽飄青燐君王只賞嘉

陵水不悟當年藝諫人

藝菊十二詠

菊苗

老圃陳根在生機
雜草尋辛勤終畝計
珍惜隔年心插竹扶莖
弱添泥護榦深不因
培植力容易晚成陰

菊蕊

清許餐盈把狂宜插滿頭
嫩苞深裛露細瓣澹含秋
界粉勻舒靨凝香密綴毬
幾回勤問訊籬畔遍開不

菊葉

一徑生寒綠參差石髮光無言低翠袖著意襯紅粧歷
亂鬢絲影蕭條鼻觀香霜風吹不落晚色更蒼蒼

菊色

澹極翻成豔蕭然林下粧秋光宜絢素霜氣入丹黃獨
立羞穠冶相看耐久長更持銀燭照老眼醉來狂

菊種

晚節凌秋健如君種絕奇香寒偏自惜品貴不嫌遲異
本山僧乞佳名老圃知附炎非我輩

藍菊別種
夏末卽開

莫遣溷

東籬

菊影

人影和花影依稀雨未真靜中離色相幻裏答形神酒
半模糊眼燈前綽約身夜深留客處為爾一逡巡

菊畦

葉葉疎兼密行行整復斜誰家三畝宅開遍九秋花菜
隴分泉過瓜塍避蔓加一年勤學圃野色占清華

菊徑

地僻經過少寒香遶徑深秋容黃葉澹人影碧苔陰酒
許穿籬送詩隨拄杖尋孤松問無恙同証故園心

菊籬

老屋斜陽外寒花倚夕臯未妨障半面渾欲插周遭掩
暎雲霞澹清疎風露高知君絕依傍應笑寄人勞

菊盆

曲院秋如水霜風老瓦盆歲華矜衆豔人意惜孤根束
縛情寧屈蕭疎格自存高齋宜位置對此澹忘言

菊觴

家釀霜前熟開樽飲庶幾花浮螺甲豔香入蟹螯肥有
客吹烏帽何人送白衣故園重九會不醉必無歸

菊譜

誰訂同心譜山齋韻事偏徑迎三益友座列九華仙小
字薰香寫閑情盥露編陶家籬下色月旦屬高賢

謝范五峯郡尊惠黃芽菜卽用見示瓶菊元韻

蔬畦脆比林抽筍釐切香於鼎和梅菜長官聲誰比似
菜根家味重低徊齒牙俊爽供杭粥冰雪酸寒配菊醅
却憶春盤京洛夜更番催進玉山頽

至吳門晤顧鎮庵同年屬題草宅十畝圖小照

宦海收帆君庶幾田園歸去遂初衣秋雲撥杖通樵徑

春水平篙沒釣磯老屋儘容陶靖節澄江還對謝元暉
畫圖認取霜顏妙乞得閒身學息機

春風尊酒木蘭堂半日淹留興自長老去狂名依畫戟

醉來舊夢話霓裳

時客蘇守胡峯
泉同年幕中

江鄉花柳爭三月京

國鬚眉隔十霜賸有餘懷消不得玉簫聲裏別金閭

匏塘叔溫昆仲戲合動植作題分賦四種

鶴翎菊

簾捲西風翠羽圍翩翻意態是耶非影飄曉徑高人斲
夢落秋臯道士衣亭際放回霜點淡琴中舞罷月依稀

故園不負籃輿興好伴輕裝載爾歸

馬齒莧

覓陸曾從筮易看馬勝生計問園官勻排齟齬駒駝廐
細嚼陳根首著盤沙地幾叢迎玉勒野場一束想銀鞍
東風漸漸催加長欲伴萋萋入饌難

雀舌茶

翠羽啁啾遍一村茗園新試石泉溫擘來金縷疑初剪
飲罷瓊漿覺尚存餅礮龍團繞乳出湯過蟹眼忽瀾翻
含香枉說郎官貴學士頭綱早拜恩

羊角蕪

皂莢

殺羊角為皂
莢見南史

坡邊露未收羊肝土護鹿胎柔冗鬚

似為搏風起贅角還因叱石留沙暖煙村埋五殺草低
雪嶺見千頭太官一例充庖美未許肥鮮勝庶羞

題鍾馗移家圖

俞兒導我前吉蔗逐我後九嬰趨我左五窮掖我右老
髯顧盼雄蜩磔哆其口蹴裂烏鞞紋結綰綠袍綬草驢
耳豎風跛蹙憚陵阜衆鬼挽拽之囊尾復崩首家具苦
無多箕耜雜鑿缶居然前進士殘書尚囊負後車載小

妹婉孌中閨秀山魃匍伏迎焉敢議妍醜吾聞髯暴猛
腊鬼作糧糗當其啖鬼睛全力在一拇避髯恐不速少
緩攫毒手云何給廝役運使若臂肘喜怒得髯意毋乃
服習久豈惟咄咄逼要亦循循誘是宜旌髯功天符下
台斗逝將舍之去爾曹憶髯否回頭語鬼雄點簿問誰
某相從拔宅昇慎勿倖倖走

張萼聯出示近作因題一律

新詩一卷比瓊瑤細讀長哦寄興遙白石清泉離色相
碧梧翠竹見丰標琴心太古歸平淡鶴唳高秋入沈寥

前輩辦香奉昌穀三弁壇坫避塵囂

遊金山寺登浮圖頂

廿載名藍欲往從塵緣今始叩禪宗風濤自撼西津樹
煙月全銷北固鐘殿火半昏燈瞰鼠洞雲初起鉢歸龍
會須攬取江天勝直到浮圖第一重

戲咏車帆

何處輕帆五兩斜官隄巧運獨輪車孤檣遠岸窺新燕
一幅平林誤乳鴉細雨衝來油壁路好風吹到竹枝家
早行圖裏詩情在疑坐江鄉舊釣艖

靜厓詩初稿卷十一

靜厓詩初稿卷十一

靜厓詩初稿卷十二

鎮洋 汪學金 敬箴

古今體八十七首

起丙午盡戊申都中奉使江右往返作

擬南陔四章題徐鐵崖編修家慶圖

循彼南陔有椿有萱綏我眉壽載笑載言厥包有珍厥
筐有繡自

天子所以遺二人

循彼南陔有蓀有梓綏我眉壽載遨載喜輪奐既崇丹
雘有煒旣安旣舒以介蕃祉

皖水之陽有寢有堂君子至止輶車有光匪車之光令
聞孔彰庭有訓言迪教允臧

鑑湖之瀦有田有廬君子至止有斑其衣史則有職不
遑其居瞻彼白雲旣壽且愉

初春讌集伯恭宮允寓齋

早梅忽逗故園心劇喜芳辰對盍簪翦綵定教春有色
條冰莫厭冷難禁蔬厨滋味分齋鉢

是日為戴
石士設齋

花窖風

光費俸金珍重主人投轄意趨朝同待曉鐘深

燈戲

九枝影裏沸笙歌四照筵前鬪綺羅
簫鼓有情邀月姊樓臺不夜下星娥
曲中藏謎曾猜否燭底看花奈睡何
一隊霓裳吹不散平明化作彩雲多

詠雞缸

鸚鵡鸕鶿費品題筵前學鬪汝南雞
琢成紅玉花冠動點出青菱雪羽齊
暈眼暗驚潮信報當頭漸唱月輪低
憑君莫管東方白判得深宵醉似泥

盆麥

燕谷誰催暖律融郊原消息瓦盆中
白留臘雪三番報

黃借晴雲一塢烘生意漸回煨芋火農祥剛應試燈風
要知座右幽圖意未許唐花一例同

草色四首

春光片片蔚藍添染盡平蕪綠未厭貼地軟茸眠麝穩
蘸波纖影戲魚噉斜陽遠道人千里細雨空階夢一簾
最是銷魂南浦色傳神彩筆屬江淹

昨來剛見碧簾纖誰遣春風著意添幾點綠歸煙水外
一痕青透雪峰尖輕拖欲借裙腰襯濃抹偏隨屐齒黏
為傍琴臺雙鬢影鏡螺勻就染香奩

無情有態最難拈
撩撥春愁與恨兼
舊事重尋嘶馬地
新陰偏惹落花簾
朱門客散荒涼長
青塚魂歸黯澹添
底事王孫歸未得
秋風憔悴使人嫌

何處羊綿遠思添
江南江北儘人覘
六朝煙景低歌扇
三月風光近酒帘
錦帶淒迷嫌露重
芳茵狼籍惜泥沾
獨憐閉戶饒生意
坐對文窓總不厭

題法時帆宮庶約西詩思圖

東風草綠瀛洲院
太液冰開揩鏡面
御溝流水出牆來
罨畫溪頭花萬片
宮坊學士住橋西
青瑣朝回著接羅

詩成飽蘸金壺墨要到蓬萊頂上題

清明日花閒堂觀雜技卽席分賦七排二十韻

四圍罨畫養花天霽日園林勝賞偏
宮火初分榆柳燧
山厨偶試筍茶筵頻催羯鼓朱樓畔
遙喚錫簫紫陌邊
例命廣庭陳百戲合教高會集羣仙
十番漫訝南腔換
八角從知北部填
按拍連珠賡續續
詠諧炙輠鬪便便
郎當屈突嘲何虐
戍削參軍態自僂
巴曲急彈聞慷慨
吳歎輕撚學纏綿
暫拋弦索音猶繞
深護紗幮籟忽宣
雪夜千聲鴉鴨亂
春晴百隊燕鶯顛
欲歌欲泣憑空肖

非竹非絲絕妙傳別有僚九矜入手偕來魯慕喜隨肩
金莖露重傾盤側楮葉風迴裏繭圓墮馬勢成先意愕

承蜩技熟在神全挈瓶故業兒能守

蟬子王者京師撮弄老手三子皆世

其抱甕浮名老自憐舞罷暗塵時惹砌興闌緩晷已逾
磚纔過稌節難停醖不負韶光又擘牋樂府何年翻舊
曲詞流幾輩擅新篇酒旗歌扇三生事水郭山村一昔
緣底賸冶情消不得綠楊影裏裊歸鞭

奉使出都晚之良鄉馬上口占

乘傳去匆匆郊原極望中亂蛙三尺水垂柳一鞭風病

靜佳詩初稿卷十二

四

骨經秋爽

余病新愈

炎埃向夕空虛溝舊時路仍與跨驢同

呈陳湘南侍講同年

與君同日詠霓裳喜副星輶滿路光湖海元龍傾意氣
江山司馬助文章名材端合歸冰鑑佳話還應譜玉堂
更祝頭廳錢學士早持使節出

天閭

過新城縣十里坐小艇晚之雄縣示湘南

昨夜江鄉夢乘潮坐短篷今朝易水上忽掛片帆風秋
草沿隄綠晴霞近郭紅君家石門路煙景劇相同

趙北口作

棗林南去路成渠過客蒼茫問渡餘漫學使船如使馬
那堪無麥更無魚縱橫荇藻牽城堞浩蕩鳬鷗占市墟
此地居民恆患滯長官何以拯沮洳

渡鹽河之東阿縣宿

覓棹沿緣渡揮鞭聲確行四山青到海一水白過城地
利通鹽筴民風問使程晚涼便適館詩思雨催成
雨後早行馬上見山色絕佳

山靈知我要看山一雨峯峯濯翠鬟霽色遙分濃淡裏

青人言才利 卷一 二
煙光都在有無閒劇憐邱壑違幽抱底向風塵照舊顏
指點秋容添離華分明文筆寫荆關

閏七夕

佳節今年兩度經却憐客館戶虛扃天涯若乞支機石
定識人閒有使星

謁亞聖孟子廟

處士非仁義羣雄鬪富強功先距楊墨道本重齊梁論
學明心性為邦辨霸王微言終不絕浩氣更何傷七國
干戈息千秋俎豆光邑傳賢母里地近聖人鄉殿柏凌

霄古階泉甃石涼停車重拜廟聯袂共升堂佔畢親章
句音容接冕裳高風興仰止常跂嶧山旁

渡河宿徐州城外

隄勢俯城壕魚龍氣尚豪片帆飛晚渡一枕壓秋濤稍
喜流亡復毋忘畚鍤勞短檠眠不穩風雨夜來高

虞姬墓

在定遠縣

英雄兒女亦千秋春判得紅顏委劫塵枉殺漢宮矜楚舞
當年誰葬戚夫人

雨中之北峽關口號

靜厓詩初稿卷十二

林垞幽阻掩重關松磴蘿梯帶雨攀一片濕雲濃潑墨
龍眠山作米家山

北峽行館再和香樹尚書山行詩

觸熱千里來清景苦難覲名山如故人
搔我皖江右濃成潑墨堆淡露皴筆皴一峯過眼纔重嶺迎眸復山靈
恥雷同瑰奇各爭鬪當關挾怒猊凌虛落飛鷺煙橫姿態妍雨洗骨節瘦
偶結混沌胚皆有脉理腠曰余乘使輅學步前賢後讀公紀程詩一一數
官堠矧逢異境開流連此多又豈忘宿昔緣竊歎風塵囿百年竟役役孰

比山松壽會當馳曠觀攬取瀟廬秀

潛山道中

夾澗淺橫青竹筏重林遙帶白沙岡翠微深處鐘聲度
知有當時古道場

雨中過楓香驛

急雨灑行裝征衫拂早涼人家隔松翠山驛過楓香水
特眠何穩林鳩喚自忙渡頭聞楚語知己近潯陽

望五祖山

上界雨花涼空林遞佛香天風吹梵唄山翠落衣裳飛

瀑侵樵徑歸雲護講堂他時持半偈準踏石橋霜

東林寺三笑堂小憩

拂石牽蘿覓舊題重來蓮社問禪栖世閒頑鈍無如我
幾度匆匆過虎溪

八月十七夜奎宿堂讌集次魏明府韻

鐫闡文讌集羣儒冰鑑懷慙揣分逾但恐殊珍疑楚璞

肯教雅奏溷齊竽種花庭院秋香老

庭桂雙株錢香樹
尚書典試時手植

遲月簾櫳夜色娛知有煎茶清興在新詩投我紫雲腴

雨窓校藝疊前韻示諸公

席上珍搜待聘儒，渾忘刻漏靜中逾。
程材要破重重的，辨響須分一一等。
過眼雲煙難自信，知心風雨亦堪娛。
硯田莫笑生涯薄，回憶鎡基味倍腴。

魏明府疊韻見示，齒及鄙文，兼獎和衷之雅，三疊前韻謝之。

漫云匠氏度侏儒，渠鑿難將尺寸逾。
結習未能忘雪案，同聲差喜應風竽。
如公嫵媚心乎愛，任我疎慵拙者娛。
休為嫁衣尋舊樣，枯毫已媿墨花腴。

同人欲梓余文，以程多士故及之。

聞中校藝已畢，紀

恩述事三首

自愧幹材玷玉堂宮袍許擷桂枝香棘闈忝與師儒席

芸館猶陪弟子行

時余尚未散館

天上恩光新絳節座中仙侶舊霓裳從知星紀分奇瑞

益信名材產豫章

傳家冰鑑許人看十載羣比座未寒

先君子丁酉典試此閒

差幸

小山承蓋近方知良冶學裘難因緣漫信三生石辛苦

曾經九轉丹

余應鄉會試又九科

祇有初心堪共質同堂真覺臭

如蘭

從古文章信有神西江祖派未應淪須知彭蠡波瀾大
要認廬山面目真至味深時歸澹泊瓌材奇處見輪囷
諸生師友淵源在好與歐曾作後人

送方揆巖同年之閩海軍營二首

中朝使相舊登壇

時隨協辦大學士福公前往

幕府威名賊膽寒海

上風雲開壁壘天邊星宿動郎官潮懸鹿耳揚帆渡地
豁鼇峯立馬看三十參軍人盡識策勲前已定皋蘭

舊業弓裘信有之當年節鉞起軍諮從知奕世功名大
始見書生骨相奇父老爭傳司馬檄室家能賦小戎詩

春風早送鏡歌入好為高堂侑一卮

題劉純齋觀察天橋灣觀荷圖

垂楊遶郭水拍隄波光雲影參差低西山芙蓉七十二
天風吹墮青琉璃使君家在潞河住尺五城南最佳處
六月陂塘暑氣清刺舟便向花閒去翠蓋搖汀片雨飛
紅衣覆渚殘霞暮絃索誰將水調彈碧筒勸酒知無數
此時江南唱采蓮長淮水盡漲秋煙旌旗夾岸排珠勒
簫鼓中流放畫船天涯宦味俄陳迹重對歡場話疇昔
斗轉參橫興自豪水流花落情何極韻事還將詩卷留

畫圖更乞寫滄洲眼前尺幅鄉園景夢裏江天萬里流
阿儂對此心飛越石湖難捉新秋月且擬從君十日游
錦袍醉筆凌溟渤

題純齋洗桐圖

籬落晚霜明房櫳秋雨生樹從閉戶老泉本在山清一
院陰猶覆十年計早成為君賦萋萋雛鳳有新聲

臘月廿六日招雨林似村兄弟偕樸堂蓮士過寓
齋小飲出觀文待詔雪夜讌集圖分韻得集字

連陰凍窮巷殘雪瓦溝濕冷官逼殘年瑟縮蟲閉蟄客

從東方來

時雨林以青州副都統入覲

車騎森瓊鉞契濶踰十霜關

河增快悵願言折簡招忽喜排闥入脫畧屏騶從真率

罷跪揖難弟性高狷蕭然樂瓢笠旣見我心降白駒賦

維繫雖無兼味飽蔬筍山厨給叢筠碎影披疎梅冷香

裛論詩更讀畫顛倒翻巾笈妙繪寶停雲家藏久什襲

昔時良讌會華堂冠岌岌朝省獲清暇朋簪慶和輯得

此畫圖傳後人競收拾過眼已雲煙風流猶可挹煌煌

相門彥閎閱積勲級世業守青箱文字有結習埴簾叶

同調琳瑯擅家集戴陸矜博雅嗜古修綆汲盛藻冠蓬

瀛聲華振煜熠當年上塞遊紫騮馳袴褶橐筆記烏
狂吟動白霄公等真雄豪賤子苦羞澀頡頏敢肩隨欣
慕願鞭執何期萍水緣舊事重綴緝懽悰投轄殷顏景
傳觴急試證卷中因今昔豈不及所惜四牡駢詵詵去
原隰請留珠玉辭為圖補題什

是圖應有詩已佚擬錄
分韻諸作於後以補其

闕

戊申春朝國兒舉一子喜成二十韻

驟報開韶慶添丁喜最真正逢簪勝節恰值弄璋辰繡
戶風調律紗窓旭射輪承家祥踵戊得歲氣生寅乳抱

須求媼將迎更款賓洗三兼祝願

俗以三朝洗兒謂之洗三適屆除夕錫

百共羅珍菟裸勻裁綺屏錢雜解緡嘉名符震位樂事

叙天倫歛俗初遷徙婁宗尚隱淪

先公光闕閱奕葉

繼冠紳終鮮嗟孤子微軀念苦辛弱男成似續佳婦重

婚因國兒婦為

太夫人從孫女素有淑行來歸即為國兒置媵為廣嗣計至是舉是子

有夢先

徵姑多才敢慕荀望逾登第貴業守讀書貧愛便提攜

亟啼教顧復頻之無重課汝日月劇催人嬌怯雛鶯燕

嶂嶸小鳳麟桑弧期克壯椒頌獻方新門戶綿前緒庭

闡慰

老親好將省壽酒湯餅侑芳春

崇效寺海棠花下聯句

花事迫春三繁英競如霰侵晨理吟鞍大庾戴均選勝

憩禪院先期折簡招華亭王春初地款扉見寺松如揖

人大庾戴均海棠曾識面露氣濛未晞商邱陳崇風光

淑初扇小紅坼垂苞鎮洋汪學淺絳簪碎鈿乍疑卯酒

酣蓮士未耐午蠶戰鈴竚影半歌冶山髮鬢絲欲罥破

曉夢惺忪可亭烘晴態丰禱罨窓茶韻留伯恭篆戶爐

煙旋鈴語喧不喧杏江屐齒倦忘倦要參色卽空蓮士

不礙愛生戀小駐惜栖塵冶山前蹤悟飛電懺除國色

妖可亭

拈證佛香善未銜婪尾盃

伯恭

且給伊蒲饌劇

芹肥芼羹

杏江

淘槐冷澖麪清齋準八關

蓮士

險韻關

百鍊語防綺遭訶

冶山

調學黃偷轉得句每自豪

可亭

當場竟誰擅體仿石鼎吟

伯恭

才謝金閨彥冶遊憶江

鄉

杏江

于役返津淀

時從津門
扈從還京

眯眼困風霾

蓮士

急裝

趨漏箭倚馬捷飛書

冶山

看山笑乘傳豈乏花信招可

亭

乃為塵鞅纏翩彼美鷓鴣

伯恭

輸却懶鶯燕何如朋

好偕

杏江

及此休沐便入林四五人

蓮士

繞花千百徧

半晌緣非慳

冶山

三宿意猶眷常結妙髮因

可亭

轉發

閣黎羨護憑幡影重

伯恭

照屏燭花炫鮮摘瓶供珍

杏

江

雜賣擔頭賤私祈好雨露

蓮士

坐恐狂飈顫青陽荏

苒徂

治山

朱顏倏忽變平添錦障陰

可亭

難挽芳茵片

招攜趁佳辰

伯恭

留連恣芳讌為花當再來擬作好春

殿

杏江

送春限韻同伯恭蓮士作

隔窓鳥語報高春黯澹心情懊惱習好事漸消人似月
冶游無賴馬如龍和煙細草添荒圃裊雨飛花點壞墉
縱有陽春最高曲疎慵那復鬪詞鋒

青人言才
過長春寺訪相士傳青照則已瞽矣口占謝之
相好從來說本師卽空卽色妙無為王侯將相偶然耳
文字語言焉用之底覓金鋤求眼藏漫勞水鏡締心知
年來漸悟榮枯理合共垂眉打坐時

清秘堂紫藤花初放和伯恭韻

紫霧蓬山罨畫天東君管領自年年衣香漸覺當簷覆
茶話偏宜厭架懸老蔓風霜存骨節孤根文字種因緣
此閒許我參常住瓔珞垂垂學定禪

白芍藥四首同蓮士作

冰雪丰神想藐姑獨將豐豔壓清癯腰憐束素翻風弱
膚愛凝脂帶露腴婪尾縱橫銀鑿落結跗穩稱玉盤盂
由他萬紫千紅遍肯殿春光品自殊

國妹絕世美無瑕意態應從綽約誇相謔肯容親縞袂
將離便擬寄瑤華補成獺髓痕全滅掃罷蛾眉粉不加
若向揚州翻舊譜本來第一是瓊花

漫勞珠網護深沉別有新篇愜素心佳兆已增金帶價
清馨更助玉堂吟開疑晴雪消難盡落惜朝雲散不禁
衣白山人真宰相曾將仙骨傲朝簪

靜庵詩初稿

卷十二

十四

素質亭亭最耐看，遲開聲價占雕闌。
為矜品格同心少，若論文章本色難。
始信淡中真得豔，莫言清極不勝寒。
畫圖要認春風面，枉費胭脂寫牡丹。

夾竹桃八韻

樂府已傳桃葉曲，新聲又換竹枝腔。
試徵合傳從花史，本結同心自海邦。
體態愛教環燕並，姓名好擬尹邢雙。
一春零落隨流水，盡日蕭疎不滿窓。
翠袖多情依露井，紅顏遺恨傍湘江。
節風涼蔭侵衣桁，帶雨繁英裛酒缸。
之子冶容人莫逆，此君清節我心降。
青鸞何處絨消息。

誤認仙源引釣艘

晚香玉八韻

花譜芳名次第拈香情玉態許誰兼熏成蘭麝濃偏惹
翦出瓊瑤巧不嫌鏡檻晚搖稜采薄冰壺涼逗片痕纖
昏黃小篆縈心縷淡碧輕衫削指尖幽夢乍回低睡枕
殘粧半整淺窺匳開留重七看星閣摘向初三拜月簾
紅杜漫禁湘露冷素馨却帶海雲炎燕姬饒有天然麗
北部臙脂枉費添

此花惟燕
臺有之

輓戴石士

人日送君處征車雨雪霏俄成千載別祇是一春違遠
道音書隔孤舟旅櫂依

石士督學楚北
歿於安陸舟次

江樓題詠在黃

鶴幾曾歸

賦鵬未為達騎鯨亦共驚人皆貪不死君獨說無生葉
落根原在花空果已成他年居士傳定續一燈明

仲氏鵠原痛天涯獨愴神牽衣猶弱歲制淚為衰親碑

豈矜敦實

唐賈敦頤敦實兄弟先後官洛百姓刻石頌
美人號棠棣碑時連士辭免代任學使之

故

命

銘須著潁濱那堪京洛夢風雨對蕭晨

雨中之海淀作

田圻成龜兆雲霓望眼穿天心蘇槁壤時澤瀉神淵避
淖頻紆軫衝泥更緩鞭插秧歌四起霑灑亦欣然

定圃師七十壽讌詩

官職聲名五十年中朝雅望屬耆賢文章價重蓬瀛裏
節鉞威行嶺海邊人有佛仙真業在爵兼齒德達尊全
慶霄復旦三台朗又見弧南應瑞躔

春官桃李遍雲衢一代龍門奉楷模天下英才歸月旦
生平心跡對冰壺文場早得豐城寶宦橐從無合浦珠
要識樹人因報

國故應吐握到羈孤

由來調燮贊元功只在從容杖履中海內望公作霖雨
座閒何物不春風弗矜崖岸名逾峻盡化町畦道自沖
擬向休休覘度量合將黃髮領羣工

提唱風騷正始宣
斲輪宗匠更誰先
琳琅已富傳家集
菽粟皆為濟世編
燕許鴻名光內制
潞溫耆會舉初筵
丹臺自媿仍凡骨
難譜雲璈祝壽錢

五月十一日國兒復舉一子喜成是什

喧傳繡戶抱寧馨
玉樹新芽又茁庭
四世已看逢五戊

詳見前詩

一年何幸獲雙丁寶絲時節長生錄

是日壬申子平家為長生

日蓮倡因緣大士經

余家虔奉南海大士

博得高堂頻色喜宜男

瑞兆祝萱齡

送蔣礪堂編修其試閩中

爭看星使出詞曹曾占瀛洲地望高
五色雲中雙玉節親來海上釣連鰲

洗兵雨後慶恬波偃伯靈臺六幕和雅頌
卽今歸鉅手鹿鳴恰應采薇歌

年華冠帶出羣才坐擁皋比絳帳開榕樹
陰中騶唱過

靜厓詩初稿

卷十二

七

路旁齊道壁人來

書畫輕隨節使裝溪山得意吮毫忙君懷冰雪清如許
炎海何勞却熱方

弱齡雅負氣凌雲清福應從猿鶴分二十五年塵網裏

余年十六始去闕
距今二十五年矣憑君寄謝武夷君

甘將授簡讓鄒枚一懶真成百念灰

余未與
考試

桃李成陰

都不羨羨渠飽啖荔支回

葆巖歸自閩海軍營仍用贈行韻奉呈

書劍曾依上將壇征衫初卸海濤寒身經絕徼驚危地

氣壓中朝措大官入宴

至尊含笑問倚閭慈母忍啼看依稀瀛嶠生明月猶說
相思託潭蘭

從事文章韓退之甌南風土入周諮千言倚馬才名遠
萬里屠鯨事業奇怪雨盲風驟歲華紅蕉丹荔卷中詩
憑君海外徵聞見擬就持螯盡數卮

秋日吳穀人編修同那繹堂過飲敝齋卽席口號
喜於文史費所覃賴有交游足燕談寄託性情詩卷共
消除意氣酒盃堪鴻因留爪重相覓蟹可持螯百不貪

那得官閒無一事黃花時節話江南

同人游報國寺歸集禊墨齋伯恭出示董香光報
國寺古松墨蹟卽用卷中韻

廿載游蹤記寺松重來閒踏逕苔封慈雲變相開靈鷲

寺內供奉靈變觀音大士像

苦雨收晴制毒龍詞客酒懷談下若畫

禪墨妙印南宗半生措大同行脚任打闍黎飯後鐘

題馬湘蘭水墨梅蘭冊子

孤山誰洩一枝春空谷誰離十步塵特地問花花不語
悄拈枯管自傳神

愁根怨果種三生怕對空花說有情贈與詞人王伯穀
白頭好證歲寒盟

戴篋圃先生屬題記上授書圖小照

圖為少時作

辭老依然矍鑠翁霜顏重認少時容神仙識面尋黃石
富貴抽身問赤松卅載虎頭曾着相半生鴻爪尚留蹤
而今更寫鬚眉古園綺高風欲往從

和伯恭晚秋庭前海棠開花元韻

寒叢瞥見一枝稀澹白疎紅瘦不肥賸有詩情似郊島
依然國豔鬪施威芳華遲暮人多感繁治春風事已非

好與黃花配清供小窓珍重畫屏圍

秋夜集蔣香雪寓齋疊前韻

天涯良會肯教稀菊綻橙香蟹更肥旅客關山驚蟋蟀

歸人門巷感伊威

時蓮士自木蘭初歸

緣知哀樂中年有要悟升

沈小劫非

香雪甫報罷

絕妙畫圖供醉眼分明紅粉兩行圍

壁間懸仕女圖戲及之

香雪出示尊甫星榆先生遺集屬題仍用前韻

蓋代詩名並駕稀漫論燕瘦與環肥騎鯨不返李供奉
化鶴應聞丁令威臺閣山林須盡妙風雲月露未全非

草堂嫡系西江祖宋派唐音可解圍

九月廿四夜伯恭蓮士見過余已就寢次日用前韻謝之

閒庭剝啄本來稀高卧何妨學遜肥舉醖已難邀月信披衣無那怯霜威興餘排闥應嫌嬾禮廢迎門自覺非為謝高軒重埽逕翦燈同話菊叢圍

葆巖過飲索疊前韻復有是作

既見翻憎握手稀蔬盤供給勝甘肥酒逢舊雨休辭量花犯新霜未怯威江左風流懷渺渺

時述桐城先世事甚悉

海天

幽怪想非非憑君細說征南事萬騎中宵破賊圍

雪夜集禊墨齋小飲達旦

勸客未成醉夜寒殊有情不知人海夢塵土何由生簷
陰動空色窓籟留希聲平明埽花逕凍雀啁新晴

題花閒堂臨淳化閣帖四首

槐雲宰地午風涼忽遞花閒翰墨香十卷鈎摹重訂釋
百家體勢幾評量臨來池畔雲煙潤消得壺中日月長
神品由來關妙悟從今益陋侍書王

絳潭鼎汝論紛然祖石誰爭秘閣先本溯畢家歸鑒賞

刻翻肅府枉流傳
桐軒響掇輕蟬拓
桂邸名摹逸鳳翩
剡雪點霜供退直
幾多餘興晚晴邊

振采飛騰抱骨遒
天然波折勢全留
工於神似非形似
妙與心謀偶目謀
红柿山窓霞不散
碧蕉池館露初流
此中嗜好成幽趣
萬顆驪珠一斛收

青勝於藍信有諸
穠纖肥瘦辨何如
披函似積三餘課

下筆真藏萬卷書
肯向董王尋梗概

董華亭王孟津皆有臨本

直從

顏榴想權輿裝成
四座傳觀處芝朶
梅英傍几舒

詠玻瓈窓和韻二首

碧雲凝液月溶波裁翦冰綃比若何
榻近定教催曙早屋深偏訝得寒多
光明世界壺中現生滅因緣鏡裏過
半日工夫無限好肯容駒隙暗消磨

沈沈珠網隱簾波面壁其如障礙何
儘受清光離垢遠翻留空色破禪多
護持風雪支頤對點綴雲煙瞥眼過
擬向黑甜尋妙境虛明太累睡情磨

題仿管仲姬夾葉墨蘭

美人芳草風騷格過眼雲煙寄興耽
林下本無脂粉澆筆端要與色香參
雙鉤用法兼飛白一幅傳神便過藍

漫說散花天女妙何如微笑示瞿曇

靜厓詩初稿卷十二

男彥博彥國校字